



REPUBLIKA E SHQIPËRISË
BASHKIA DIVJAKË
DREJTORIA E BUJQESISË, VETERINARISË, PYJEVE DHE MJEDISIT

Nr. 7654 Prot.
14

Divjakë, më 15/10/2024

LËNDA: Relacion për hartimin dhe miratimin e dokumentit "Strategjia Vendore për zvogëlimin e riskut nga fatkeqësitë dhe plani i veprimit", në territorin e Bashkisë Divjakë, 2024-2030

Qëllimi: Hartimi i dokumentit "Strategjia Vendore për Zvogëlimin e Riskut nga Fatkeqësitë dhe Planit i Veprimit", në territorin e Bashkisë Divjakë, sipas kërkesave të ligjit nr. 45/2019 datë 18.07.2019 "Për Mbrojtjen Civile".

1. Bashkia Divjakë me qëllim hartimin e dokumentit "Strategjia Vendore për Zvogëlimin e Riskut nga Fatkeqësitë dhe Planit i Veprimit" sipas kërkesave të ligjit nr. 45/2019 datë 18.07.2019 "Për Mbrojtjen Civile", miratoi Urdhrin nr. 35, datë 16.01.2024 "Për krijimin dhe funksionimin e grupit teknik të punës për hartimin e Strategjisë Vendore për ZRF dhe Planit Vendor Për Emergjencat Civile".
2. Në hartimin e këtij dokumenti, Grupi Teknik në nivel Bashkie për procesin e hartimit të Dokumenteve Strategjike për zvogëlimin e riskut nga fatkeqësitë, në koordinim me Agjencinë Kombëtare të Mbrojtjes Civile u mbështet nga kompania konsulente në kuadër të projektit RESEAL të UNDP-së.
3. Gjatë periudhës së punës së këtij Grupi Teknik:
 - U grumbullua gjithë informacioni i nevojshëm mbi risqet e mundshme nga përmytjet, tërmetet, zjarret në pyje, rrëshqitjet e tokës, ndotjet teknologjike dhe industriale dhe risqet biologjike që janë prezentë në territorin e Bashkisë Divjakë.
 - U bë studimi i gjithë zonave me risk të shtuar të fatkeqësive duke pyetur komunitetin e zonave të banimit, bizneset dhe grupet e interesit.
 - U zhvilluan takime me persona kyç dhe u plotësuan pyetësorë për të marrë të dhënat referencë për hartimin e Strategjisë Vendore për ZRF.
 - Grupi i punës, i mbështetur nga kompania konsulente, hartoi dokumentin e Strategjisë Vendore për ZRF bazuar në të dhënat e mbledhura dhe konsultimet e kryera.



4. Gjatë periudhës së punës së këtij Grupi Teknik u bënë disa dëgjesa publike, veçanërisht për konsultimin e planit të veprimit të strategjisë me qëllim rregullimin e pasaktësive të mundshme dhe finalizimin e dokumentit. Në këto dëgjesa u ftuan të merrnin pjesë komuniteti lokal, bizneset dhe grupet e interesit, duke siguruar një përfshirje të plotë dhe të gjithëanshme.
5. Dëgjesat publike dhe takimet me komunitetin lokal, bizneset dhe grupet e interesit ndihmuan në diskutimin dhe rafinimin e draftit të Strategjisë Vendore për ZRF. Këto konsultime siguruan identifikimin e sfidave kryesore dhe përfshirjen aktive të të gjithë aktorëve të rëndësishëm në procesin e hartimit të këtij dokumenti.
6. Për të siguruar një qasje të koordinuar në nivel lokal, u organizuan takime ndërmjet drejtorëve të drejtorive të bashkisë Divjake. Synimi ishte integrimi i Zvogëlimit të Riskut nga Fatkeqësitë në politikat dhe planet lokale, duke siguruar harmonizimin e Strategjisë Vendore të ZRF me objektivat më të gjera të Bashkisë.
7. Me përfundimin e dëgjesës së fundit të zhvilluar në datën 02.09.2024, u mbyll cikli i dëgjesave dhe Grupi Teknik finalizoi dokumentin në përputhje me kërkesat e ligjit nr. 45/2019, datë 18.07.2019 "Për Mbrojtjen Civile". Dokumenti reflekton kontributet e marra gjatë procesit të konsultimit dhe synon të përmirësojë aftësinë e bashkisë për të menaxhuar dhe zvogëluar risqet nga fatkeqësitë.
8. Dokumenti do të shërbejë si një udhërrëfyes kyç për Planifikimin e Zhvillimit Urban, duke integruar masat për ZRF. Ky integrim do të sigurojë që planifikimi urban dhe zhvillimi i bashkisë të marrë në konsideratë rreziqet natyrore dhe mjedisore, duke mbrojtur komunitetin dhe duke rritur qëndrueshmërinë e tij.
9. Ky dokument është themelor për përmirësimin e aftësisë së bashkisë për të menaxhuar risqet nga fatkeqësitë, por në përputhje me kërkesat e ligjit nr. 45/2019, ai duhet të rishikohet dhe përmirësohet vazhdimisht, për t'u përshtatur me ndryshimet e mundshme në sfidat dhe rreziqet që mund të shfaqen.
10. Grupi Teknik vlerëson se dokumenti "Strategjia Vendore për Zvogëlimin e Riskut nga Fatkeqësitë dhe Plani i Veprimit", është i përfunduar dhe përfaqëson një dokument cilësor që paraqitet për konsultim publik.

Specialist agronom dhe emergjencave civile

Ferit Qosja

**Përgjegjës sektorit juridik
dhe prokurimeve publike**

Andi Bullari

Kryetari i Bashkisë

Josif Gorrea

